

Hanc doctrinam duplicitis vita peccatoris confirmarunt summi pontifices Pius V et Gregorius XIII, damnando sequentem propositionem Baii, quæ est numero 64 : « Illa » distinctio duplicitis vivificationis, alterius qua vivificatur » peccator, dum ei poenitentia et vita novæ propositum » et inchoatio per Dei gratiam inspiratur, alterius qua » vivificatur qui vere justificatur et palnes vivus in vite » Christi efficitur, pariter commentata est et Scripturis » minime congruens. »

Quæritur 1º an sententia veterum theologorum qui docebant absolutionem sacerdotis esse tantum declaratoriam, quia supponebant peccatorem vi contritionis perfectæ, cuius necessitatem admittebant, jam esse justificatum, sit hæretica.

R. Est temeraria, erronea, principiis Concilii Tridentini minime congruens, non tamen formaliter hæretica. Nam 1º multum differt ab errore pseudoreformatorum qui negant Poenitentiam esse sacramentum et ullam producere gratiam. Theologi enim de quibus agitur, admittebant Poenitentiam esse sacramentum novæ Legis, gratiam sanctificantem producere, et contritionem quantumvis perfectam peccata non delere nisi in ordine ad claves Ecclesiæ. 2º Directe non fuit damnata; concilium enim Tridentinum anathemate percussit eos qui dicerent, sicut hæretici, absolutionem non esse actum judiciale, sed nudum ministerium: at rigorose dici posset absolutionem esse actum judiciale, licet duntaxat declararet peccata esse remissa; quia, videlicet, sacerdos tanquam minister Christi, prius audita confessione, juridice pronuntiaret peccata esse remissa, sive ritum sacramentalem, vi cuius peccata a Deo remitterentur, applicaret. Certe haec explicatio est subtilis et menti concilii Tridentini parum conformis; igitur ab omnibus catholicis nunc rejicitur: attamen sufficit ut sententia theologorum ei adhaerentium non sit hæretica. Unde Soto et Salmeron, qui concilio Tridentino adfuerant, hanc sententiam refellentes, non dicunt illam a concilio fuisse damnata.

Quæritur 2º quandonam institutum fuerit Poenitentia sacramentum.

R. Christus illud promiserat dicendo Petro: *Dabo tibi claves, etc., et omnibus Apostolis: Quæcumque alligaveritis, etc.* Illud vero instituit post resurrectionem suam, quando insufflans super Apostolos, dixit eis: *Accipite Spiritum sanctum; Quorum remiseritis, etc.* Ita propriis verbis docet concil. Trid., sess. 14, cap. 1: « Dominus autem sacramentum Poenitentiae tunc præcipue instituit, cum a mortuis excitatus, insufflavit in discipulos suos, dicens: *Accipite,* » etc.

CAPUT SECUNDUM.

DE MATERIA SACRAMENTI POENITENTIÆ.

Duplex distinguitur materia sacramenti Poenitentiae: una remota circa quam versatur, et altera proxima ex qua componitur sacramentum.

ARTICULUS PRIMUS.

DE MATERIA REMOTA SACRAMENTI POENITENTIÆ.

Nulla in eo puncto est controversia inter theologos, qui omnes fatentur materiam remotam, seu potius removendam, sacramenti Poenitentiae, esse peccata post Baptismum commissa. Sunt enim objectum circa quod delendum versatur sacramentum.

Hæc materia potest esse necessaria, vel tantum sufficiens et non necessaria.

PROPOSITIO PRIMA.

Omnia peccata mortalia post Baptismum commissa et nondum directe remissa per sacramentum Poenitentiae, sunt materia necessaria sacramenti Poenitentiae.

Prob. Omnia peccata mortalia sunt materia sacramenti Poenitentiae necessaria, si omnes homines peccati mortalitatis ad illud sacramentum recurrere teneantur: atqui pro-

babimus infra, demonstrando necessitatem confessionis, omnes reos peccati mortalis ad sacramentum Pœnitentiæ recurrere teneri : ergo.

Diximus 1º post Baptismum commissa; quia peccatum originale et etiam peccata actualia ante Baptismum commissa, clavibus Ecclesiæ subjici non possunt; Ecclesia enim de iis qui foris sunt non judicat, et tamen sacramentum Pœnitentiæ per modum judicii administratur: ergo.

Diximus 2º nondum directe remissa per sacramentum Pœnitentiæ; probabimus enim infra strictam dari obligationem confitendi peccata aliter remissa, v. g., vi contritionis perfectæ, ante sacramentum, aut indirecte, vi absolutionis in ipso sacramento, si bona fide oblivioni data fuissent.

PROPOSITIO SECUNDA.

Peccata venialia sunt materia sacramenti Pœnitentiæ sufficiens, sed non necessaria.

Prob. prima pars, videlicet ea esse materiam sufficiensem. Etenim verba Christi, *Quæcumque solveritis, etc., Quorum remiseritis, etc.*, sunt generalia et ad omnia vincula spiritualia extendenda sunt: porro peccatum veniale, etiam minimum, aliquod est vineulum spirituale: ergo.

Prob. secunda pars ex concilio Trid., sess. 14, c. 5: « Venialia quibus a gratia Dei non excludimur, et in quæ frequentius labiuntur, quanquam recte et utiliter, citramque omnem præsumptionem, in confessione dicantur, quod piorum hominum usus demonstrat, taceri tamen citra culpam, multisque aliis remedii expiari possunt. Ergo. »

PROPOSITIO TERTIA.

Peccata jam directe remissa sunt materia sufficiens sacramenti Pœnitentiæ.

Prob. 1º verbis Christi, *Quorum remiseritis, etc.* Christus enim non dicit, *Quorum semel remiseritis*; non vetat

igitur condonationem iterare. 2º Qui alterum offendit, potest iterum atque iterum culpam confiteri, veniam petendo; et offensus recte dicit iterum: *Veniam concedo, tibi paro*: ergo *a pari*, etc. 3º Denique id constat ex praxi Ecclesiæ et usu piorum hominum: quæ ratio sola est validissima et sufficit. Ergo.

Dices 1º: Peccata remissa jam non sunt peccata: ergo non possunt esse, etc.

R. Dist. ant. Non sunt peccata, actu, conc.; non possunt revocari in mentem ut peccata præterita, *nego ant.* Quoties autem sic rememorantur, peccator de illis dolere debet; ea confiteri et pro illis de novo satisfacere potest: cur ergo repugnaret absolutionem super iisdem iterari?

Inst. 1º. Verba absolutionis vera esse debent: atqui non essent vera, siquidem peccata reipsa non remitterentur: ergo.

R. Nego min. Sensus enim verborum absolutionis est: *Confero tibi gratiam sanctificantem, peccatorum remissionem*: porro ille sensus verus est, licet peccata jam fuerint remissa.

Inst. 2º. Qui super vincum a corporalibus vinculis jam solutum diceret, *Solvo te*, falsum pronuntiaret: ergo *a pari*, etc.

R. Nego conseq. et paritatem. Ratio disparitatis est quod solutio a vinculis corporalibus effectum positivum sibi annexum non habeat, et in dicto casu jam fieri nequit; e contra Pœnitentiæ sacramentum gratiam sanctificantem secum portat, eamque pœnitenti recte disposito confert. Ergo.

Inst. 3º. Qui verba consecrationis super hostiam jam consecratam pronuntiarerit, sacramentum non conficeret: ergo similiter et qui verba absolutionis, etc.

R. Nego iterum conseq. et paritatem. Ratio disparitatis est quod in hostia consecrata non existat panis, materia essentialis Eucharistie; contra vero peccata remissa possunt esse objectum doloris, confessionis et satisfactionis: hi autem actus pœnitentis sunt materia sacramenti Pœnitentiæ: ergo.

ARTICULUS SECUNDUS.

DE MATERIA PROXIMA SACRAMENTI PÆNITENTIÆ.

Lutherani qui hoc sacramentum retinent, assignant projectus materia terrores conscientiae ex agnito peccato incusos, et fidem ex Evangelio vel absolutione conceptam qua credit quis sibi per Christum esse remissa peccata; *Palav.* Hist. concil. Trid., l. 12, cap. 10, n. 3.

Moeller doctrinam Protestantum in hoc puncto sic exprimit : « L'effroi de la conscience nous rend seul dignes » des mérites de Jésus-Christ ; puis la foi, comme organe, » délivrant l'homme de ses terreurs, le rend juste et saint » aux yeux de Dieu. Ensuite, quand le fidèle est justifié, » le dessein de changer de vie et l'amour de Dieu naissent » de la foi ; en sorte que ces deux sentiments ne contribuent en rien à la justification, et n'entrent point, par conséquent, dans l'idée de la pénitence. (*Symbolique*, 33.)

Error iste damnatus est in concil. Trid., sess. 14, cap. 3, his verbis : « Sancta synodus eorum sententias damnat » qui Pœnitentiae partes incusos conscientiae terrores et » fidem esse contendunt. » Idem habetur can. 4 ejusdem sess.

Calvinus vero, Pœnitentiam habens tantum ut virtutem, duas ipsi partes essentials assignat, nempe mortificationem et vivificationem, id est, abnegationem sui et interioriem animi renovationem; *Institut.*, de Pœnitent., n. 2.

Inter catholicos variæ sunt opiniones quæ ab Ecclesia non fuerunt damnatae. 1º *Scotus* totam sacramenti Pœnitentiae essentiam in sola absolutione reponit, contritionem vero, confessionem et satisfactionem tradit ut dispositiones necessarias, et non ut partes sacramenti : plures recentiores huic opinioni subscriperunt, inter quos *Maldonat.* 2º *Durandus* volebat totam sacramenti Pœnitentiae materiam in sola confessione pœnitentis consistere, contritionem vero esse dispositionem, et satisfactionem fructum Pœnitentiae. 3º *Paludanus* tres actus pœnitentis, contritionem, confessionem et satisfactionem pariter necessarios

DE PŒNITENTIA.

355

esse contendit, cui consentire videtur *Petrus Osmensis*, dicens absolucionem datam ante satisfactionem, esse nullam. 4º *Melchior Canus* docet contritionem non esse partem essentialē sacramenti, sed integralem duntaxat. 5º *Eruditus P. Morinus*, l. 8, cap. 8 et 15, probare intendit manus impositionem ad reconciliandum peccatorem etiam private semper fuisse in usu, eamque necessariam esse ; *Witasse* et plures alii volunt eam esse materiam hujus sacramenti. 6º Cæteri vero theologi pro materia sacramenti Pœnitentiae proxima assignant, post *S. Thomam* in tertia q. 84, art. 2, tres actus pœnitentis, scilicet contritionem, confessionem, et satisfactionem in principio suo, id est in dispositione mentis, et aliquo modo inchoatam per ipsam confessionem, et in voto de cæteris : satisfactio enim in re et in actibus suis, est pars sacramenti integralis, non autem essentialis, ut ostendemus infra.

PROPOSITIO.

Tres actus pœnitentis, contritio, confessio et satisfactio, sunt materia proxima sacramenti Pœnitentiae.

Prob. 1º Decreto Eugenii IV ad Armenos : « Quartum » sacramentum est Pœnitentiae, cuius quasi materia sunt » actus pœnitentis. »

2º Concil. Trid., sess. 14, cap. 3, et can. 4 : « Si quis » negaverit ad integrum et perfectam peccatorum remis- » sionem requiri tres actus in pœnitente, quasi materiam » sacramenti Pœnitentiae, videlicet contritionem, confes- » sionem et satisfactionem, quæ tres Pœnitentiae partes di- » cuntur... anathema sit. » Unde sic : Quamvis concilium Trid. controversiam inter Scotistas et Thomistas definire noluerit, referente *Palavic.*, l. 12, cap. 12, attamen in sententiam Thomistarum, quæ est nostra, multo magis propendere videtur. Etenim 1º loquitur de materia hujus sacramenti et aliam præter actus pœnitentis non assignat. 2º Dicit hos actus esse partes Pœnitentiae : concurrunt ergo ad conficiendum sacramentum. 3º Eodem modo synodus Trid. loquitur de forma absolutionis ac de acti-

bus pœnitentis, cap. 3 : at forma est pars essentialis sacramenti : ergo et actus pœnitentis : porro si sint partes essentiales, teneant locum materiæ. 4^o Catechismus concilii Trid., cap. 17, de Actibus pœnitentis, sic habet : « Neque vero hi actus, quasi materia a sancta synodo appellantur, quia veræ materiæ rationem non habent; sed quia ejus generis materia non sint, que extrinsecus adhibeatur, ut aqua in Baptismo et chrisma in Confirmatione. » Ergo.

Prob. 3^o ratione. Sacramentum Pœnitentiae per modum judicii administrari debet, ut patet ex ipsius institutione et ex infra dicendis : in judicio autem cognitio causæ est materia : ergo confessio est materia sacramenti Pœnitentiae : at cum fieri debeat in ordine ad reconciliationem, oportet eam esse cum dolore et satisfactione saltem in proposito. Ergo.

Dices 1^o : Concil. Trid. docet, sess. 14, cap. 4, contritionem præparare *ad remissionem peccatorum* : ergo est dispositio ad sacramentum, non vero pars ejus.

R. Nego conseq. et dico contritionem esse simul dispositionem, quatenus ex parte pœnitentis consideratur, et partem sacramenti in quantum a Christo ad hanc dignitatem fuit elevata. Idem de aliis actibus pœnitentis dici potest. Ergo.

Dices 2^o : In sacramentis minister simul applicat materiam et formam : at supposito actus pœnitentis esse materiam sacramenti Pœnitentiae, pœnitens unam partem sacramenti applicaret et sacerdos alteram, et sic uterque foret minister. Ergo.

R. Nego maj. In pluribus quidem sacramentis minister simul applicat materiam et formam, ut in Baptismo, in Confirmatione, in Ordine, in Extrema-Uncione. At in sacramentis quæ a sola voluntate Christi pendent, argumentum *a pari* est vitiosum. Et revera, quædam sunt sacramenta in quibus minister non simul applicat materiam et formam, sed tantum formam super materiam sibi oblatam pronuntiat, et sacramentum efficitur, scilicet, in Eucharistia et probabiliter in Matrimonio ; cur non in Pœnitentia?

tia? pœnitens autem non magis est comminister sacramenti quam sacrista qui panem eucharisticum ante missam ponit in altare : ergo.

Dices 3^o : Materia alicujus sacramenti debet esse sensibilis : atqui contrito non est sensibilis : ergo.

R. Dist. min. Non est sensibilis in se, *conc.*; in actibus externis eam manifestantibus, *nego min.* Etenim contrito, quæ est actus cordis, manifestatur per nonnullos actus quibus judicatur hominem esse contritum. Ergo.

Cum impositio manus in cunctis Ritualibus simpliciter præscribatur, et aliunde graves auctores arbitrantur eam esse necessariam, nunquam omittenda est ; et si ob infirmitatem sacerdos manum dexteram extendere non posset, sinistram pretendere deberet; imo, et absolutionem sine manus impositione pronuntiatam iterare, quia ubi de validitate sacramentorum agitur, pars tutior semper est eligenda.

CAPUT TERTIUM.

DE CONTRITIONE.

Vox *contritio*, a verbo *conterere* veniens, denotat in sensu grammatico actionem aliquid durum in partes minutæ disrumpendi, et per metaphoram exprimit actum internum quo duritia cordis frangitur. Definitur a concilio Trid., sess. 1, cap. 4 : *Animi dolor ac detestatio de peccato commisso, cum proposito non peccandi de cætero.*

Dicitur 1^o *animi dolor*; id est, interna voluntatis tristitia, non vero affectio exterior in parte sensitiva: aliquando haec affectio ex vehementi dolore interno nascitur, et est laudabilis, non autem necessaria, cum ab homine non pendeat.

Dicitur 2^o *detestatio de peccato commisso*; id est odium peccati, efficiens ut quis valde exoptaret non pecasse.

Dicitur 3^o *cum proposito non peccandi de cætero*: detes-